



李小燕(福建·晋江)

金缕曲·重逢

万事消磨矣！况中年，人情寥落，古今同是。友别亲离流散尽，谁解平生此意？更有甚，桑田迭替。鬓发萧疏天命近，对菱台，竟日成知己。襟袖冷，月如水。千回百转凭栏地。念悠悠，书传鸿雁，旧朋重会。廿载风霜何足问，镜里朱颜已洗。谈笑处，清茶皆泪。放任淄尘催白发，守初心，一夕何曾易。纵去后，永相记。

俞华平(浙江·嘉兴)

女儿生日有寄

云山远隔赖银屏，归雁徐徐不忍听。
二十六春春妩媚，三千里路路伶仃。
应期破茧终成蝶，已近黎明待晓星。
花信今宵祈好梦，回眸一笑一娉婷。

中秋思儿

露滴清辉满，香分桂子妍。

当窗同望月，何夕是归年。
瘦却书中影，画成心底圆。
端杯费思量，盈缺总难全。

李花

梅英渐老黯香魂，烟雨一帘笼小村。
晓看枝头开淡雅，犹疑旧雪未消痕。

周世鼎(江苏·淮安)

临江仙·酒店服务员

北调南腔冬复夏，送迎情意浓浓。
笑脸服务一般同。初来声在耳，别去又无踪。
多少音容成过往，时光依旧匆匆。
人生难得九州通。江湖常聚散，友爱似春风。

鲁 芪(甘肃·康县)

山乡雨霁用天香儿《不寐》原玉

一夜山风天霁雨，新苗陇亩梦初成。
涧溪清澈游云影，映耀吟笺潋潋明。



车站送别

群山叠翠晓风清，车站辞行热泪盈。
此地身留心远去，随君一路到金城。

杨学军(江苏·南京)

为战友李杨葫芦雕艺术题

闲来弄巧夺天工，方寸江湖卧虎龙。
腕底风生催影幻，壶中酒暖兑情浓。
雕成玉柱充华表，刊透红尘得古风。
小试锋芒赢大器，金陵人看夕阳红。

蒋荫焱(浙江·杭州)

读徐荣春兄新作喜吟共勉

一字未安眠不深，骚人多自有痴心。
兴来半夜支床起，句砺三更击节吟。
佳作原非容易得，素材端赖日常擒。
磨针穿石功夫到，左右逢源无古今。

读反腐文有作

华夏谁开嗜欲门？周天妖雾日昏昏。
奸贪一夕占仓廩，饕餮千朝食子孙。
剪恶偏逢王霸宅，立规难束虎狼魂。
攻坚破垒看成败，史册新翻待写存。

傅震宇(浙江·海宁)

雁(诗友同题)

木叶听萧瑟，关河瞰莽苍。
影沉烟渚晚，声唳荻洲霜。

别调书千里，去程秋一行。
尘霾塞云路，何处认衡阳？

中元

又到中元备祭醪，盂兰斋设献葡萄。
晨蒸抄手炊烟白，夜放荷灯烛焰高。
罔说阴曹多饿鬼，却闻世道尽贪饕。
无私剩有盈轮月，一样清晖照汉皋。

青玉案

拟将方寸围城筑，自成了，清凉国。
袖底风来消暑溽。疏烟孤月，老松瘦竹，长此怜幽独。
休因逐利沦棋局，莫为趋名类轱辘。
灵府且凭歌与哭。小蒲盈握，微澜一掬，不是伤心绿。

钱卫娟(浙江·上虞)

秋雁(诗友同题)

脱木高风起，排空一字斜。
玉门酬剑铗，湓浦听琵琶。
不患飞螭动，唯忧远信赊。
月明烟露冷，刷羽落平沙。

眉妩·七夕

又荷团清露，柳挂新蟾，秋气发天宇。
小榻中庭设，陈瓜果，虔诚遥拜牛女。
愿心几许。最好能、今夕逢汝。
更依约，老屋葡萄架，听仙界私语。
回顾。青衫何处。隔十年书信，千



叠云雾。自感容憔悴，消良夜，差堪重续春句。但愁破曙。可倩谁、匀画眉妩。奈通得灵犀，萤一点、草间度。

张贻璫(安徽·宿松)

苏幕遮·忆桑落兼寄诸生

绿棉田，沙石坝。汉港清流，汉港清流泻。湾闸小街春似画，香沁兰花，香沁兰花榭。急同趋，欢共雅。放旷炎天，放旷炎天夜。生怕风华将去也，来赏蔷薇，来赏蔷薇架。

摊破浣溪沙·洪水渐退

《十送红军》响碧空，兵哥此日返营中。翁媪村头揉望眼，泪朦胧。

橄榄装教灾域绿，星徽帽映队旗红。风雨几番霞彩后，是奔虹。

徐全荣(浙江·慈溪)

生日得爱妻贺卡赋赠

素手献吾心一颗，巫山旧水起涟漪。朝云廿载荐芬蕴，暮雨千潮激老荷。何贵玉堂钟鼎食，但求茅屋凤凰歌。同舟恰觉流光快，应许三生渡鹊河。

过工地

乱石工棚烈日边，遥闻笑语破窗传。清汤糙米难囚乐，黑脊痴心仍对天。仿若菜根萌沃土，更如庄子处尘烟。

为何玉锦书香阁，常遇烦忧断瑟弦。

常立英(山西·晋中)

疏帘淡月·寄友人

柔情似水，一梦竟萦回，任风新起。梅竹幽亭，案上都匀佳制。向来婉约如丝细，三分醒，七分微醉。离肠动处，兰笺入目，红绡轻倚。恁如是、情深留计。但盈盈掬尽，入骨滋味。揉碎芳绢，帕底玉壶珠泪。真真不忍烧心字，骤寒分明念斯地。而今拾得，相思寸寸，涕痕若坠。

鹧鸪天·父亲节忆父

逢节凄凄暗倚栏，椿庭膝下忆承欢。如山父爱难书尽，十万清笺不足看。人杳杳，雨潸潸，重温梦里石斛兰。黄泉路远何相见？玉案香萦泪未干。

陈其良(浙江·瑞安)

祝贺母校瑞中百廿华诞

探花楼畔庆云开，珠履赓歌络绎来。业铸菁莪弘舜日，星辉宇宙载兰台。喜看尘海屠龙手，岂忘蓝田种玉才。岁月流金人共忆，又听策马起风雷。

登伯温楼寄怀

崇楼拔地势崔嵬，疑是滕王移此来。



继武教人忆猿鹤，追怀挥日驭风雷。
苍生一炬郁离子，良弼千秋旷世才。
吊古凭栏空水处，唯将巴曲寄云台。

张雄英(浙江·嘉善)

中秋有寄

多少红尘事，问君何两全？
悲欢皆幻梦，聚散总情缘。
饼饵应时送，雁书无地传。
颦眉低首处，风月老流年。

浣溪沙，游开化醉根园

落尽繁华古树身，匠心巧运洗烟尘。
万千枯木又逢春。虬干有痕涵意象，
雕刀无迹幻仙神，醉根园里醉游人。

张文龙(浙江·龙游)

鹧鸪天·众诗友采风共聚竹云涧茶苑

一树深深四月天，低飞紫燕戏屋檐。
远山袅袅轻烟绕，碧水悠悠青草鲜。
风荡荡，叶翩翩。竹云涧外雨潺潺。
酒酣尚未思归去，率性文章信手拈。

江城子·谷雨诗会

清明过后乱飞红。赴曹垌，燕相从。
欲醉春光，谈笑品茗中。漱水轻拍风助兴，
千朵浪，向苍穹！沙鸥

飞起水亭东。碧江空，半城风。少长咸集，
诗意万般浓。文脉千秋姑蔑盛，歌浩荡，舞三更！

王崇庆(湖北·荆州)

渔家傲·赠湖北鑫东蔬菜公司

遥望山头林似海，泉流飞溅歌天籁。
艰苦经营逾十载。良生态，有机肥种有机菜。
嫩绿黄瓜花蒂带，清甜萝卜人人爱。
红润番茄苹果赛。销售快，胸装百姓名天外。

王旭(内蒙古·通辽)

端午晨起与好友辽河公园漫步

结伴寻幽去，蛙鸣共草香。
长堤依柳影，辽水泛波光。
世少清浊恨，朝无壅蔽伤。
晨折一束艾，足可慰端阳。

金嗣水(上海)

大漠驼队

大漠连绵滚细波，夕阳如火落长河。
驼铃阵阵传天籁，瀚海茫茫印脚窝。
万里黄沙戈壁远，千年烽燧史篇多。
向西健步承丝路，古调新弹动地歌。

汪守先(贵州·遵义)



时小寒,南雅社课限韵第三部以沁园春为题咏梅,作此以奉

兀傲西风,历尽苍凉,唤得春回。更名惊上苑,情温游子;暗香撩梦,素影催诗。铁骨冲寒,虬枝铺韵,雪压千重劲挺姿。萧瑟处,作几声笛唱,浩气孤飞。美人林下携归,问太白杜陵可共杯?已邀来明月,开怀痛饮;临流高咏,呼起落梅。思接林逋,意追王冕,醉墨涂花世所稀。黄昏下,看霜禽偷眼,粉蝶魂痴。

参观南京大屠杀纪念馆

魂卧黄图燧绕烽,当年浩劫搅肝胸。弥天雁呖云凝紫,遍地孤嚎血浴红。野火埋尸留大恨,秦淮遗泪涌悲风。我来缅仰呼英杰,意气催飞万剑雄。

李青葆(浙江·青田)

西江月·桃花节访章旦中学

锣鼓为春祈福,桃花因美成仙。飞歌直上碧云天,回首章中忽见。播谷良田百里,育才弟子三千。园丁任重奏心弦,听取赞歌一片。

陈宗辉(福建·尤溪)

贺新郎·遥想温州兴会

雁荡东南秀。借春风,八方吟友,十年嘉候。问姓记名深握手,情寄葡

萄美酒。真切切,谁分前后?喜把会刊飘香墨,似瑶池、初挽迷蜂袖。心里话,几时够?夜来窗下明如昼。向嫦娥,搔头拍脑,老形同幼。梦里京华潇湘路,莫道山寒水瘦。惊望处,楠溪碧透。正好长驱诗国去,大笔挥、殷外狂飙骤。吹落帽,掬红豆。

心碑

四十年前泪雨飞,千山落木鸟迷离。江涛海浪声幽咽,依旧茫茫唤不回。

刘柏青(广东·梅州)

题《醉酒图》步濯缨词丈韵

一

新酤绿蚁已千巡,醉眼看时影未均。对酒早知荣辱淡,论交几见性情真。浮云落日松枫岸,残月晓风杨柳津。践约湖山问谁与,子猷棹击雪涛匀。

二

放浪情怀寂寞身,壶中且觅武陵津。横塘荷叶随风老,荒径菊花和露亲。月冷谁吹三弄笛,觞盈独咏五湖春。今宵酒醒磻溪畔,烟雨空蒙钓髯鳞。

何跨海(湖南·平江)

母亲节寄母

槐树繁阴满一庭,至今犹在吐余馨。



当年小草烦呵护,此日慈萱慰俯聆。
雪鬓无方能扫白,心颜有愿可还青。
唯将电话频频拨,好把唠叨细细听。

题采茶女

青葱一片簇灵芽,忽见行间两辫丫。
背篓捎将春色去,林风相伴向谁家。

闫 钧(河北·康保)

踏莎行·环卫工

霞橘黄衣,云栗黑面,勤挥帚笔
千千卷。晓风寒暑写春秋,一方净土
深深恋。扫落晨星,驱逐尘幔,
一锹一帚一身汗。灰头土脸影匆匆,
笑迎旭日容颜灿。

庭园写意

蔬园小景任徘徊,满目葱茏手自栽。
暮蕾数枝藏不露,朝花一夜向阳开。
缠丝菜豆爬竿顶,拉蔓蕃瓜攀井台。
最是黄瓜难寂寞,金花越过短墙来。

杨建兴(浙江·海宁)

高中同学会即兴有呈

同窗相识不相逢,卅七光阴一梦中。
青涩几无衰鬓白,童心依旧笑声融。
红尘路远穿迷雾,学友情深见彩虹。
今日续缘重聚首,且将樽酒诉离衷。

题道路清洁工

橙衫绿树影徘徊,长帚轻挥曙色开。
汗雨无声涤尘垢,但教塵路绝纤埃。

题作茧图

老尽千丝蝶梦飞,娟娟犹织雪罗衣。
任由三界轮回遍,一样殷勤照落晖。

马星慧(江苏·南京)

南乡子·写在婆婆七十六岁生日这一天

身影总忙忙,美味留儿共品尝。
冬日三番烧热炕,如娘。每忆心头沐
暖阳。两鬓已严霜,背痛腰酸步履
踉跄。遥对家山诚祝福:安康!百岁犹
能话短长。

和父亲打乒乓球

银球欲闪笑摩拳,赛场休提父女缘。
莫道咱无裁判手,一轮满月挂中天。

陆志坚(浙江·温州)

水调歌头·纤夫

九曲长河岸,万里暮云天。鸢峰
悬道,浊浪惊拍索绳寒。涉尽重重
险,喊破声声号子,累趺怒涛间。乱石
巉岩上,纤者奋其艰。一声吼,
齐戮力,过千滩。人生如是,纤索负背
逆行难。日月昆仑斗转,万水千山踏
遍,壑阻且看闲。苦乐任天地,风雨共
双肩。



卜算子

三月着春枝,枝上春衣素。香雪
随风落满肩,片片芳心处。 几处
说离愁,几处言花语。都把梨花写入
诗,送与春归去。

孔汝煌(浙江·杭州)

悼钱大礼画师

惜别西归老玩童,碧云一骑鹤乘风。
红尘倦戏凌霄去,白玉堂成待画雄。

大器少成,蔬菜生鲜称圣手;
礼仁兼至,丹青翰墨见真情。

慈溪行三首(录二)

大山村杨梅人家休憩

盘旋一气路萦弯,来入四明山里山。
内外烽烟已难识,葱茏货殖未能闲。
碳梅玉筍峰峦翠,少憩老忙溪石顽。
满树红鲜逗童乐,归车乱网识时艰。

偕利斌兄一家应邹明老师邀赴慈溪
杨梅之约,徐全荣会长家宴款待,赋谢

高朋杯换盏,华屋玉振金。
琪树拱灵壁,碧茵涵美琳。
论诗今日意,交谊岁寒心。
明陟盘囿道,咸酸梅外寻。

蔡厚示(福建·福州)

次欧兄孟秋韵贺赵老玉林诗书展

期颐日近画堂深,引领遥闻戛玉音。
左海吟朋齐祝祷,松海竹表后凋心。

次黄老梦熊《八秩偶成》韵奉贺

今人八秩不为稀,笃好诗书始大奇。
岂让光阴空浪费,务随日月久奔驰。
茅庐乍出锋芒闪,险象环生谈笑熙。
我谓黄翁当警省,神州十亿梦圆时。

纪念黄庭坚诞辰 970 周年学术研讨会
会后和黄君兄韵

义宁十月响飚轮,景仰千秋双井魂。
忧世爱民光耀史,吾侪碌碌肯谁伦?

民胞物与说光天,华夏几人承古贤?
枉执教鞭多少载,贪官黠吏满门前。

萧永义(北京)

菩萨蛮·喜看央视《中国诗词大会》

齐烟九点浮中国,风骚一线穿南北。
天远月横江,关山气独苍。

沙鸥没浩荡,翡翠兰苕上。梦好
欲重寻,仙源草自春。

胡澍沛(浙江·杭州)

早春雅集

料峭春寒重,偕朋访郭庄。
清辉融别墅,芳气袭长廊。
槛外碧湖静,堂中白发忙。
病多相语老,情系柳丝长。

